

SANITÉ. La doturia Grete Mahlknecht é demez dai 17 ai 21 de merz y vëgn sostituida dal dotur Aldo Marcocci, 338 72 80 518; al sará ince tl ambulatore a San Martin le lönesc, le dedolönesc y la jöbia tl medemo orar sciöche zënza.

Le dotur Eduard Agreiter é demez l'atra edema dai 17 ai 19 de merz, le lönesc, le dedolönesc y le dedemesaledema danmisdé; al vëgn sostituí dala doturia Stefania Sebraro d'Al Plan 377 32 88 595

## PLOANIES SAN MARTIN Y LUNGIARÜ

Invit ala ora d'oraziun en vëndres, 14 de merz, dales 20.00, tla stüa dla ciasa de nosc Sant a Oies, tignida tla maniera de Taizé. Düc é dër bel invia da tó pert.

### SAN MARTIN

Cun ligrëza presentunse i mituns y les mitans che jará ala Pröma Santa Comuniun ai 11 de ma 2025: Asya Busatto, Lucia Castlunger, Julia Dapoz, Merch Dejaco, Rayen Feki, Gloria Frenner, Patrick Miribung, Sophia Moling, Samuel Paratscha, Michael Planatscher y Nathan Verginer.

En domënia, ai 16 de merz, tignunse la festa de Sant Ojöp; do mëssa é düc i èi dër bel invia ala istruziun cun don Marco te dljia.

Al vëgn bel perié da paié ite cina ala fin de merz le contribut anual por la cöra. A vigni familia vëgnel partí fora, adöm cun le decunt finanzia 2024, l'invit da paié ite.

### LUNGIARÜ

I seniors y les seniores da Lungiarü é dër bel invia/des da gní en mertesc, ai 11 de merz, dales 14.00, a chidlé a Al Plan tl "Hotel Waldruh". I s'abinun por les 13.30 dlungia le Sanví y jun cun i auti privac ciaran da senté adöm tan ch'ara vá.

-----

Le Consëi de Formaziun d'Al Plan invieia a na sëra de informaziun sura le tema „Lu y laurs, i gragn predadus incër nos ia“ tignida da Luca Complojer, Jagdwirt y mëmber dl Consëi provincial dla Uniun di iagri. La incuntada é en dedolönesc, ai 11 de merz, dales 19.30, tl salf dla Cassa Raiffeisen a Al Plan.

Le Fotoclub Val Badia invieia a na Multivisionsshow "Mein Weg zur Natur(fotografie) cun Massimo Santoro en dedemesaledema, ai 12 de merz, dales 20.00, a San Martin tl salf dl Istitut Ladin "Micurá de Rü".

Le Museum Ladin invieia a n laboratore creatif por mituns da 4 a 8 agn en vëndres, ai 14 de merz, dales 16.00 17.30, a San Ciascian. *Prëibel ciarede tl'ultima plata.*

Cun plajëi Ves invieia la Uniun dl Teater da San Martin de Tor al teater da rí "RESET" de Michael Niavarani y Roman Frankl: en vëndres, ai 14 de merz, (premiera), domënia, 16 de merz, dedolönesc, 18 de merz, sabeda, 22 de merz, vigni iade dales 20.00, y en domënia, ai 23 de merz, dales 15.00, tl gran salf a San Martin. Prenotaziuns 0474 / 646 030.



unitepastorala.org

## Plata dles Ploanies San Martin y Lungiarü

ploan siur Klaus Sottsas 344 15 54 055 - klsottsas@rolmail.net  
redaziun: anton.gasser@rolmail.net - 348 27 44 517 / 0474 523194

# 09.03. - 16.03.25 n. 15

termo por comunicaziuns: jöbia, dales 20.00

## 1ª Domënia de Carsëma C

### Vangele do san Lüca 4, 1-13

Te chël tēmp â Gejù, implì dal Spirit Sant, lascè le raiun dl Iórdann, y é gnü condüt dal Spirit por caranta dis incërch tl desert, olach'al é gnü tentè dal malan. Al n'â mangé por döt le tēmp nia, mo canche i caranta dis ê passà, âl fan. Dailò ti à le malan dit: Sce t'es le Fi de Dî, spo dî che chësta pera devëntes pan. Gejù ti à respognü: Al sta tla Scritöra: Le chestian ne vir nia mâ de pan. Dailò l'â le malan condüt sön n crëp y ti à mostrè te n momënt düc i rēgns dla tera. Y al ti à dit: Döta la potënza y la gloria de chisc rēgns ôi te dè; cíodich'ai m'é gnüs surandà a mé, y iö ti ai dà a chi ch'i ô. Sce te te pëtes jö dan da mè y te m'adorëies, sarà döt to. Gejù à respognü: Dan dal Signur, to Dî, desste t'injenedlè y sorvì ël su. .... Do chëstes tentaziuns s'un é le malan jü demez da d'ël cina al tēmp metü.



*40 dis á doré le iade di israelic fora por le desert y 40 dis é ince Gejù sté tl desert. Desert significhëia na situaziun ria y döra por la fede y la resistënza. Tl desert incunta Gejù le malan y al l'afrentëia cun la forza dl Spirit Sant y cun les parores fora dla Sacra Scritöra. Cun l'ultima frasa dl vangele mët le vangelist Lüca la tentaziun tl desert en relaziun cun la pasciun de Gejù: Le malan ne la dá nia sô y aspeta da tenté Gejù tl tēmp te süa pasciun. Mo chël tēmp ne sarà nia le tēmp olache le tentadú la davagnarà, mo al sarà le tēmp de Gejù y de süa devënta finala ch'al arjunj cun süa fedelté al amur cina inultima.*

Schott

EDEMA - C	SAN MARTIN	LUNGIARÜ	
<b>09.03.25</b> <b>1<sup>a</sup> Domènia de Carsëma C</b> <i>Domènia dla Dlijia te ciasa: dales 19.00 sona adöm les ciampanes che inviëia ala oraziun tles ciases</i>	<b>9.30 Corona por + Alfred Ploner</b> <b>10.00 Gran Mëssa por la comunité</b> <i>Presentaziun di mituns y dles mitans che vá ala Pröma Comuniun</i> por les families (siur Klaus) 2 <sup>a</sup> de sopoltöra de + Alfred Ploner + Tone Unterweger, dl ann + Loise Ploner Unterweger	<b>7.50 Les Staziuns ciantades dal Cor</b> <b>8.15 Zelebrazium dla Parora de Dî</b> <i>De mondial de oraziun dles ères cun oferta</i>	<b>Invit ala oraziun insnöt dales 19.00 tles ciases</b> <p>Tl inom dl Pere y dl Fi y dl Spirit Sant. <i>Amen.</i>  I metun man la Carëma y i recordun nosc Bato, olach'i sun gnüs tuc ite tl amur de Dî y tla comunité dla Dlijia. Chël Bel Dî chërda vigni batié y vigni batiada y al aspeta do nosta resposta. Tla forza de nosc Bato orunse ester mëmbri vis de Crist y colauré tla costruziun de n miú monn y dl règn de Dî.  I periun ch'i diventunse indò danü cosciënc de chësc compit y de chësta dignité.</p> <p><b>Letöra dal profet Ezechiël (36,24-28)</b>  La parora dl Signur m'è gnüda dita a me: I ves abini adöm fora de düc i raiuns y ves condejará te osta tera. I jutará ega nêta sôn os, y i gnarëis nêc. I ves purificará da vigni impuritè y da düc üsc idui. I ves scinchi n cör nü y mëti te os n spirit nü. I toli le cör de pera fora de osc piet y ves dará n cör de cern. I mëti mi Spirit te os y i fajará ch'i se tignise a mies leges, ch'i osservëise mi comandamënc y i ademlise. Spo abitarëise te chë tera ch'i ti á dé a üsc peri. Os sarëis mi popul y iö sarà osc Dî. Parora de Dî <i>I rengraziun Idî.</i></p> <p><b>Supliches</b>  Signur, tl Bato sunse nasciüs a vita nöia.  - Signur, tl Bato nes aste daurí les orëdles y la boccia. Dëidesse da tó sò ion túa parora y da la testimonié tla vita. - <i>Mëna fora to Spirit y döt vëgn nü.</i>  - Tò nes as metü sò les mans y scinché le Spirit Sant. Renforza le bëgn te nos y dásse la forza da se mëte cuntra le mal. - <i>Mëna fora ....</i>  - Tò nes as condüt por la man fora por l'ega dl Bato a vita nöia. Dëidesse da se detaché da nostes comodités y da vaghé cun túa forza cosses nöies. - <i>Mëna fora ....</i>  - Tò nes as unt cun de bun öre y fat de nos n tëmpl dl Spirit Sant. Renovëia cun to Spirit nüsc cörs. - <i>Mëna ...</i>  - Tò nes as vistí la iesta blancia dl Bato. Dëidesse da fá nosta pert tla vita cun responsabilité cristiana. - <i>Mëna ....</i>  - Tò nes as ilominé cun túa löm. Deuresse i edli ch'i odunse olach'al é debojëgn de nosc aiüt. - <i>Mëna ....</i></p> <p><b>Nosc Pere sò al cil .....</b></p> <p><b>Benedëscesse</b> y acompagnëisse te chësta Carsëma sôn le tru dla converjiun y dla reconziliaziun.  Tl inom dl Pere y dl Fi y dl Spirit Sant. <i>Amen.</i></p>
10.03.25 <i>Gustav, Eugenia</i> <b>Lönesc</b>	<i>Incö mëtel man la novëna a Sant Ojöp da Nazaret</i>	<b>7.30 Mëssa</b> por düc i defunc fam. Deiacò, Seres + Sepl Clara, Sanvi	
11.03.25 <b>Dedolönesc</b> <i>Rosina, Ulrich</i>	<b>8.00 Mëssa</b> + Angelina Tolpei, dl ann + + + Albert, Alfred y Gottfried Zingerle		
12.03.25 <b>Dedemesaledema</b> <i>Gregöre, Beatrix</i>	<b>18.00 Les Staziuns</b>	<i>degöna mëssa</i>	
13.03.25 <i>Iudita, Paulina</i> <b>Jöbia</b>			
14.03.25 <i>Matilda, Conrad</i> <b>Vëndres</b>	<b>18.30 Adoraziun chîta</b> <b>19.00 Adoraziun deboriada</b>	<b>16.30 Les Staziuns</b> cun scolars y families	
15.03.25 <b>Sabeda</b> <i>Klemens M.H., Lucrezia, Luisa</i>	<b>18.00-18.30 Confesciuns</b> <b>18.30 Mëssa prefestia</b> 3 <sup>a</sup> de sopoltöra de + Alfred Ploner + Otto Erlacher, dl ann + Carlo Dejaco + Gottfried Zingerle		
<b>16.03.25</b> <b>2<sup>a</sup> Domènia de Carsëma C</b>	<b>9.30 Corona</b> (siur Klaus) <b>10.00 Gran Mëssa por la comunité</b> + siur Hans Pamer (Maran) + Giovanni Sorà, dl ann + + Irma y Hilda Prousch	<b>7.50 Les Staziuns</b> (don Marco) <b>8.15 Gran Mëssa por la comunité</b> dl ann + Angela Costa + Vinzenz Clara, Postin + + dla fam. Albina Mischi vis y def. fam. Huber/Daverda <b>11.30 Bato de</b> - Chiara Schanung de Mirco y Melanie Clara - Lenny Castlunger de Günther y Sara Clara	